



**ТАХЬКО (ХК) КОМПАНИ  
ТӨЛӨӨЛӨН УДИРДАХ ЗӨВЛӨЛ**

211238 Улаанбаатар хот, Чингэлтэй дүүрэг,  
Ж.Самбуугийн гудамж-18, УБД 9010001029  
Утас: 976-11-324738, Факс: +976-11-325051  
И-мэйл: info@takhico.mn, Веб хуудас: www.takhico.mn

2018.07.30 № 30  
танай \_\_\_\_\_ -ны № \_\_\_\_\_ -г

**ХӨРӨНГИЙН БИРЖ (ХК)  
КОМПАНИД**

Тайлан хүргүүлэх тухай

Тахько (ХК) компанийн 2018 оны эхний хагас жилийн  
үйл ажиллагааны тайланг хавсралтаар хүргүүлэв.

Хавсралт: 4 хуудас.

ТӨЛӨӨЛӨН УДИРДАХ  
ЗӨВЛӨЛИЙН ДАРГА



Л.БУЯНБАТ

## ТАХЬКО (ХК) КОМПАНИЙН 2018 ОНЫ ЭХНИЙ ХАГАС ЖИЛИЙН ҮЙЛ АЖИЛЛАГААНЫ ТОВЧ ТАЙЛАН

### НЭГ. КОМПАНИЙН ТУХАЙ

Тахько (ХК) компани Монгол улсын Засгийн газрын Өмч хувьчлалын комиссын 1992 оны 3 дугаар сарын 5-ны өдрийн 32 дугаар тогтоолоор хувьчлагдах шийдвэр гарч, Тахько хувьцаат компани (100 хувь хувийн өмчид шилжсэн) байгуулагдсан үеэс одоог хүртэл тасралтгүй үйл ажиллагаа явуулж байна.

Тус компани 1992 онд буюу хувьчлагдах үеийн эхлэлтийн балансар 345,567.5 мянган төгрөгийн өөрийн хөрөнгөтэй, нэг бүр нь 100 төгрөгийн нэрлэсэн үнэтэй 592,830 ширхэг энгийн хувьцаатай байсан бол 2017 оны жилийн эцсийн байдлаар 14,465,587.3 мянган төгрөгийн хөрөнгөтэй, Санхүүгийн зохицуулах хороо, Монголын хөрөнгийн биржид бүртгэлтэй нэг бүр нь 168 төгрөгийн нэрлэсэн үнэтэй нийтэд зарласан чөлөөтэй арилжаалагдах 1,189,983 ширхэг энгийн хувьцаатай нээлттэй хувьцаат компани болно.

## ХОЁР. 2018 ОНЫ ЭХНИЙ ХАГАС ЖИЛИЙН ҮЙЛ АЖИЛЛАГААНЫ ТОВЧ ТАЙЛАН

### УДИРДЛАГА, ЗОХИОН БАЙГУУЛАЛТЫН БҮТЭЦ

#### Компанийн засаглал

Тахько (ХК) компанийн захиргаа 2018 оны эхний хагас жилд (гүйцэтгэх удирдлага, зохион байгуулалтын нэгжийн албадууд) Хувьцаа эзэмшигчдийн ээлжит хурал, Төлөөлөн удирдах зөвлөлөөс гаргасан шийдвэрийг хэрэгжүүлж, Компанийн дүрмийн хүрээнд үйл ажиллагаа явуулж, Монголын компанийн засаглалын кодекс, стандартын шаардлагыг мөрдөж ажилласан болно.

Компанийн захиргаа 2017 оны жилийн үйл ажиллагааны болон санхүүгийн тайлан, 2017 оны санхүүгийн тайланд аудит хийлгэсэн тухай PWC аудит компанийн дүгнэлт, Хувьцаа эзэмшигчдэд ногдол ашиг хуваарилах, Хувьцаа эзэмшигчдийн ээлжит хурал зарлан хуралдуулах, үл хөдлөх хөрөнгийн дахин үнэлгээ, аудитын компани сонгох зэрэг асуудлыг Төлөөлөн удирдах зөвлөлийн хурлаар хэлэлцүүлж, гарсан шийдвэрийг хэрэгжүүлэн ажиллаж байна.

Компанийн захиргаа Төлөөлөн удирдах зөвлөлөөс гаргасан шийдвэрийн дагуу хувьцаа эзэмшигчдийн ээлжит хурлыг хуульд заасан хугацаа, төрийн зохицуулах байгууллагаас баталсан журамд заасан шаардлагад нийцүүлэн зарлаж, хүчин төгөлдөр саналын эрхийн 85.6 хувийн ирцтэйгээр хуралдуулж, хурлаар хэлэлцсэн Компанийн 2017 оны жилийн үйл ажиллагааны болон санхүүгийн тайлангийн талаарх Төлөөлөн удирдах зөвлөлийн дүгнэлт, Төлөөлөн удирдах зөвлөлийн гишүүдийн цалин, урамшууллын хэмжээг тогтоож, дотоод ажлын зардлын төсвийг батлах асуудлуудыг хуралд оролцогчдын 99.99-100 хувийн саналын эрхээр батлуулж шийдвэрлүүлсэн. Хувьцаа эзэмшигчдийн ээлжит хурлаас



гаргасан шийдвэр, холбогдох бусад баримт бичгийг Санхүүгийн зохицуулах хороо, Монголын хөрөнгийн бирж ХК-д хуульд заасан хугацаанд хүргүүлж, хууль тогтоомж, төрийн зохицуулах байгууллагаас гаргасан журам, хугацааны заалтыг хэрэгжүүлж ажилласан.

Хувьцаа эзэмшигчдийн хурлаас Төлөөлөн удирдах зөвлөлийн ердийн 6, хараат бус 3 гишүүн сонгогдсон. Сонгогдсон гишүүд өмнө нь компанийн засаглалын сургалтад хамрагдсан, үүнээс хараат бус гишүүд нь Компанийн хуульд заасан шаардлага, шалгуурыг бүрэн хангаж байгаа бөгөөд сонгогдсон гишүүдийн тухай мэдээллийг Хөрөнгийн биржийн болон компанийн цахим хуудсаар олон нийтэд мэдээлсэн.

Төлөөлөн удирдах зөвлөлийн шийдвэр (ТУЗ-ийн 2018.02.05-ны №01 тогтоол)-ийн дагуу компанийн 2017 оны цэвэр ашгаас 1,189,983 ширхэг энгийн хувьцаанд хуваарилсан 128,518.2 мянган төгрөгийн ногдол ашгаас хувь хүний орлогын албан татварт 12,851.8 мянган төгрөг суутган харьяалах татварын байгууллагад шилжүүлэн тайлагнаж, 115,666.3 мянган төгрөгийн ногдол ашгийг Үнэт цаасны төвлөрсөн хадгаламжийн төв компаниар зуучлуулан, бүртгэлийн өдрөөр ногдол ашиг хүртэх эрхтэй 634 хувьцаа эзэмшигчийн төвлөрсөн хадгаламж дахь дансанд 2018 оны 04 дүгээр сарын 23-ны өдөр байршуулан олгож, хууль, журам, гэрээгээр хүлээсэн үүргийн дагуу Санхүүгийн зохицуулах хороо, Монголын хөрөнгийн биржид тогтоосон хугацаанд тайлагнаж, олон нийтэд болон хувьцаа эзэмшигчдэд мэдээлсэн болно.

Үнэт цаасны зах зээлийн тухай хууль, Санхүүгийн зохицуулах хорооны 2015 оны 443 дугаар тогтоол, Монголын хөрөнгийн биржийн бүртгэлийн шинэ журам, Санхүүгийн зохицуулах хорооноос цахим хуудсаар өгсөн зөвлөмжүүд, Монголын хөрөнгийн бирж ТӨХК-ийн 2018 оны 01/64 тоот хамтран ажиллах бичиг, мэдээллийн хуанлийн дагуу санхүүгийн ба санхүүгийн бус тайлан, хугацаат ба тухай бүр мэдээлэх мэдээллийг хувьцаа эзэмшигч, олон нийт, зохих байгууллагуудад тогтоосон хугацаанд мэдээлэх ажлыг биелүүлж ажилласан.

Компанийн гүйцэтгэх удирдлагын ажилтнууд Санхүүгийн зохицуулах хороо, Монголын хөрөнгийн биржээс зохион байгуулсан компанийн засаглалтай холбогдолтой хурал, семинар, сургалтад оролцож, судалгаа, мэдээлэл авч компанийн өдөр тутмын үйл ажиллагаанд хэрэгжүүлэн ажиллаж байна.

Компанийн веб хуудасны мэдээ мэдээллийг тухай бүрт нь шинэчилж, Санхүүгийн зохицуулах хорооноос баталсан журмын дагуу хувьцаа эзэмшигчдийн хурлын зар, хэлэлцэх асуудал, хурлаас гарах шийдвэрийн төсөл, Хувьцаа эзэмшигчдийн болон Төлөөлөн удирдах зөвлөлийн хурлын шийдвэр, компанийн бусад мэдээллийг мэдээлж, хувьцаа эзэмшигч болон олон нийтийг мэдээллээр хангах үүргийг биелүүлэн ажиллаж байна.

2018 оны эхний хагас жилд их хэмжээний ба сонирхолын зөрчилтэй гэрээ хэлцэл хийгдээгүй, үнэт цаасны ханш, арилжааны хэмжээнд мэдэгдэхүйц нөлөөлөх нөхцөл байдал үүсч бий болоогүй болно.

Компани 2018 оны эхний хагас жилд Компанийн тухай, Үнэт цаасны зах зээлийн тухай хууль, Санхүүгийн зохицуулах хороо, Монголын хөрөнгийн биржийн

тогтоол, шийдвэр, журмаар тогтоосон нээлттэй хувьцаат компанийн болон үнэт цаас гаргагчийн нийтлэг үүргийг хэрэгжүүлж, хэвшүүлж ажилласан болно.

Тахько хувьцаат компани Монголын хөрөнгийн биржээс тавьж буй нөхцөл, шалгуур (компанийн зах зээлийн үнэлгээ, гаргасан үнэт цаасны нийтэд санал болгосон хувь, компани нь засаглалын болон мэдээллийн үйл ажиллагааг хэрэгжүүлэх)-ын дагуу хоёрдугаар ангилалын нээлттэй компанийн шаардлагыг хангаж байна.

### **Компанийн бүтэц, зохион байгуулалт**

Компани 2018 оны эхний хагас жилд Гүйцэтгэх удирдлага, Захиргааны болон Техник үйлчилгээний алба, Анкор төв гэсэн бүтэцтэй ажиллаж, байнгын ажлын байрны 27 ажиллагсадтай ажилласан.

Компанийн 2018 онд мөрдөх орон тоо, ажилтнуудын үндсэн цалингийн хэмжээг Гүйцэтгэх захирлын 2018 оны 01 дүгээр сарын 02-ны 01 дүгээр тушаалаар батлуулан мөрдөж байна.

Компанийн 2017 оны санхүүгийн тайланг “А” форматаар болон санхүүгийн тайлагналын олон улсын стандарт (IFRS)-ын дагуу гаргаж, Прайсуотерхаускуперс аудит ХХК-аар олон улсын түвшингийн аудитын баталгаажуулалт хийлгэж, Төлөөлөн удирдах зөвлөлөөр батлуулж, 2018 оны Хувьцаа эзэмшигчдийн ээлжит хурлаар танилцуулсан болно.

2018 оны санхүүгийн тайланд аудит хийх компаниар Прайсуотерхаускуперс аудит ХХК-ийг дахин сонгох шийдвэр (Төлөөлөн удирдах зөвлөлийн 2018.06.25-ны 11 дүгээр тогтоол) гаргуулж, Аудитын гэрээ байгуулахаар бэлтгэж байна.

Компанийн өмч хөрөнгө, ажилтныг эрсдэлээс хамгаалах зорилгоор Практикал даатгал компанитай үл хөдлөх хөрөнгө, тээврийн хэрэгсэл, тоног төхөөрөмж, жолоочийн хариуцлагын даатгалын гэрээнүүдийг шинээр байгуулж, гэрээнүүдийн дагуу 2018 оны эхний хагас жилд даатгалын хураамжинд 3,013.5 мянган төгрөг төлсөн байна.

### **Хүний нөөц, нийгмийн асуудал**

Компанийн захиргаа тайлангийн хугацаанд 27 хүний бүрэлдэхүүнтэй ажиллаж, тэдгээр ажилтнууд хууль тогтоомжид зааснаар давхардсан тоогоор 2,812 өдөр ажиллахаас 2,680 өдөр ажиллаж, 72 өдрийн ээлжийн амралтыг биеэр эдлүүлж, гачигдал тохиолдсон 9 ажилтанд давхардсан тоогоор 67 өдрийн захиргааны чөлөө олгож, 1 ажилтан хөдөлмөрийн чадвар түр алдаж 6 өдрийн ажлаас чөлөөлөгдсөн байна.

Шинээр 2 ажилтан сонгон ажилд авч, нэг ажилтныг захиргааны санаачлагаар үүрэгт ажлаас нь чөлөөлсөн томилолтууд хийгдсэн.

Нийт ажилтнуудад Хөдөлмөрийн гэрээгээр тохиролцсон үндсэн цалин олгож, Хөдөлмөрийн дотоод журам, хөдөлмөрийн гэрээ, ажлын байрны тодорхойлолтод заасан үүрэг, хариуцсан ажлын биелэлт, үр дүнг үндэслэн Гүйцэтгэх захирлын 2016 оны 16 тоот тушаалаар баталсан журмын дагуу улиралд нэг удаа үндсэн цалингийн

40 хүртэл хувийн цалингийн урамшуулал олгож байна. 2018 оны эхний хагас жилд нийт ажилтнууд, удирдлага, ТУЗ-ийн гишүүдийн цалин, урамшуулалд нийтдээ 624,630.5 мянган төгрөг олгосон байна. 2018 оны эхний хагас жилд цалингийн зардал компанийн нийт зардлын 42.8 хувь болсон байна.

Ажилтнуудын ажлын цаг ашиглалт, захиргааны чөлөө олголт, Хөдөлмөрийн дотоод журмаар хүлээсэн үүргийн биелэлтийг гаргаж, алба, ажилтнуудын ажлын тайланг улирал тутам бичүүлж, зохих түвшний хамт олны хурлаар сонсож, ажилтан бүрт дүгнэлт, зөвлөлгөө өгч, ажлын хариуцлага, хөдөлмөрийн сахилгыг бэхжүүлэхэд өдөр тутам хяналт тавьж, зөрчил дутагдлыг арилгах арга хэмжээ авч ажиллаж байна.

Оффисын ажилтнуудын эрхэлсэн ажлын болон эрх зүйн мэдлэгийг дээшлүүлэх, боловсруулж байгаа асуудлын чанарыг сайжруулах, хууль эрх зүйн үндэслэл, албан хэрэг хөтлөлтийн стандартыг мөрдөхөд өдөр тутмын туслалцаа, зөвлөмжөөр хангаж, тэднийг хөгжүүлэхэд анхаарч ерөнхий мэдлэгийн түвшинг дээшлүүлэх зорилгоор баримт бичгийн стандарт, хүн амын орлогын албан татвар, байгууллагын соёл, ажлын байрны аюулгүй байдал, багаар ажиллах, хүчирхэг баг бүрдүүлэх, хувьцаа эзэмшигчдийн мэдвэл зохих асуудал, эрүүл мэнд, эрүүл хооллолт, мөнгөний бодлого, инфляци, EQ чадвар зэрэг сэдвээр болон компанийн дотоод ажил, хөдөлмөрийн дотоод журмын хэрэгжилт, бусад асуудлаар сар тутамд 2 удаа сонсгол, мэдээлэл хийж байна.

Ажилтнуудын эрүүл мэндийг хамгаалах зорилгоор нийт ажилтнуудыг Сөүл сонгодо эмнэлэгт компанийн зардлаар 5,000.0 мянган төгрөгийн үзлэг оношилгоо хийлгүүлж, эрүүл мэндийн зөвлөгөө өгүүлж, зарим ажилтнууд эмчилгээ хийлгэсэн байна.

Компанийн хөдөлмөрийн дотоод журмын заалтыг үндэслэн эрүүл мэнд болон бусад шалтгаанаар гачигдал тохиолдсон тус компанийн 3 ажилтанд 3,944.4 мянган төгрөгийн буцалтгүй тусламж үзүүлсэн.

Оёдлын үйлдвэр болон компанид ажиллаж байгаад тэтгэвэрт гарсан ахмад настнуудад 1,133.3 мянган төгрөгийн буцалтгүй тусламж олгосон.

Компанийн нийгмийн хариуцлагыг хангах хүрээнд Чингэлтэй дүүргийн Цагдаагийн хэлтсийн гэр бүлийн уулзалт, Замын цагдаагийн хэлтсээс зохион байгуулсан Бага тойруу орчмын замын хөдөлгөөний зохицуулалтын талаарх уулзалт хурал, Татварын хэлтсээс зохион байгуулсан Тайлангийн хурал зэрэг арга хэмжээнүүдийг өөрийн Анкор төвд үнэ төлбөргүй зохион байгуулж, дэмжлэг үзүүлж ажилласан байна.

## ОРЛОГО НЭМЭГДҮҮЛЭХ, ХЭВИЙН ҮЙЛ АЖИЛЛАГААГ ХАНГАХ

### Компанийн орлого нэмэгдүүлэх, бизнесийн үйл ажиллагааг өргөжүүлэх чиглэлээр

Компанийн бизнесийн үйл ажиллагааг өргөжүүлэх зорилгоор бүх төрлийн хог хаягдал, нүүрснээс шингэн түлш болон цахилгаан гаргаж авах төслийн дэд төсөл болох бүх төрлийн тосыг боловсруулж сайжруулсан эко түлш үйлдвэрлэх төслийг хэрэгжүүлэх бэлтгэл ажлыг үргэлжлүүлэн хийж байна.

Төслийн бэлтгэл ажлын хүрээнд 2018 оны эхний хагас жилд Японы олон улсын агентлаг ЖАЙКА-ийн жижиг дунд үйлдвэрийг хөгжүүлэх, байгаль орчныг хамгаалах 2 үе шаттай төслийн зээлд хамрагдах баримт бичгийг болосвруулж арилжааны банкуудад хүргүүллээ. Дэд төслийн байгаль орчинд нөлөөлөх байдлын талаарх үнэлгээг Эко натур ХХК-аар гүйцэтгүүлж, Байгаль Орчин Ногоон Хөгжлийн Яамны хурлаар оруулж хэлэлцүүлэн, мэргэжилтнүүдийн шүүмж, саналыг авч зөвшөөрүүлсэн болно. Мөн дэд төслийн хүрээнд Эс Ай Си Эй ХХК судалгааны байгууллагаар “Дизель генераторын зах зээл, хэрэглэгчийн судалгаа”-г гэрээний үндсэн дээр хийж гүйцэтгүүлсэн.

Төслийн бэлтгэл ажилд шаардлагатай эрчим хүч, түлш боловсруулах, химийн бодис оруулж ирэх зэрэг тусгай зөвшөөрөл авах судалгаа мэдээллүүдийг бэлтгэв.

Төслийн үйлдвэрийн зориулалтаар эзэмших эрх авсан Дархан-Уул аймгийн Дархан суманд байрлах 19.4 га газарт гэрээгээр хүлээсэн үүргийн дагуу барих төмөр торон хашааг БНХАУ-ын Эрэн хотын компаниас худалдан авах гэрээ байгуулж, захиалга өгч, хашааг Улаанбаатарт хүлээн авахаар ачуулаад байна. Мөн газрын эхний хагас жилийн төлбөрийг төлсөн.

Төслийн ажлын хүрээнд Улаанбаатар хотын айл өрхийн түлшний хэрэглээг хэмнэх зорилгоор иргэн Ж.Баясгалантай гэрээ байгуулж туршилтын зуух хийлгэж, айл өрхүүдийг хангах бэлтгэл ажлыг эхлүүлсэн.

Төслийн бэлтгэл ажлын чиглэлээр Япон улсад томилолтоор ажиллаж хамтран ажилладаг GGI trust компанийн удирдлагатай уулзаж, төслийн ажлын явцын талаар танилцуулга хийж, хөрөнгө оруулалтын шийдлүүдийн талаар ярилцаж санал солилцсон.

Компанийн үл хөдлөх хөрөнгийн ирээдүйн хөгжлийн архитекторын ажлын зургийг өмнөх онд байгуулсан гэрээний дагуу үргэлжлүүлэн хийж байгаатай холбогдуулан ажлын зураг хийхэд шаардлагатай барилга барих газрын өрөмдлөгийн цэгүүдийн газар доорх шугам сүлжээг тандан судлах ажлыг 1,105.0 мянган төгрөгийн зардлаар “Эм Эйч И” ХХК-тай, хөрсний геологийн өрөмдлөг хийж судалгаа дүгнэлт гаргуулах ажлыг 50,280.2 мянган төгрөгийн зардлаар Сойл трейд ХХК-тай, газар хөдлөлтийн аюулын үнэлгээг нарийвчилан тодорхойлох ажлыг 9,720.0 мянган төгрөгийн зардлаар Шинжлэх ухааны академийн Одон орон геофизикийн хүрээлэнтэй тус тус гэрээ байгуулан гүйцэтгүүлж судалгаа дүгнэлт тайлан гаргуулж ажлын зураг хийж байгаа Архера ХХК-д хүлээлгэн өгсөн.

## Компанийн өдөр тутмын хэвийн үйл ажиллагааг хангах чиглэлээр

Компанийн барилга байгууламжийн хэвийн ажиллагааг хангах зорилгоор МА-II барилгын 2, 3, 4 дүгээр давхрын агааржуулалтын системийг шинээр суурилуулах ажлыг Салхивч винт технологи ХХК-тай гэрээ байгуулан 166,014.3 мянган төгрөгийн зардлаар, Гурвалжин дахь аж ахуйн хашаа барьж засварлах ажлыг БАБ инвест ХХК-тай гэрээ байгуулан 23,154.5 мянган төгрөгийн зардлаар хийж, нийтдээ 189,168.8 мянган төгрөгийн их засварын ажлыг хийж гүйцэтгүүлсэн.

Оффисын коридор, цайны өрөө засварлах ажлыг 5,919.1 мянган төгрөгийн, Анкор төвийн урсгал засварын ажлыг 2,000.0 мянган төгрөгийн зардлаар Ар Жи Би ХХК-тай, МА-II барилгын 2, 3 дугаар давхрын гэрэлтүүлгийг цахилгааны хэмнэлттэй гэрлээр солих ажлыг 60,052.8 мянган төгрөгийн зардлаар Энрэн ХХК-тай гэрээ байгуулан хийж, цахилгааны самбар шинэчлэх, ачаалал тэнцүүлэх, кабель утас солих, татах, халаалтын систем угаах, шугам хоолой, радиатор солих, авто зогсоолд усны хаялга хийх зэрэг нийтдээ 92,315.3 мянган төгрөг (барилгын 10,142.6 мянга, цахилгааны 75,685.2 мянга, сантехникийн 6,487.5 мянга)-ийн урсгал засварын ажил хийж гүйцэтгэсэн байна.

Эрчим хүчний хуулийн заалтыг хэрэгжүүлэх зорилгоор мэргэжлийн байгууллага (Мон энерги ХХК)-тай гэрээ байгуулан компанийн цахилгаан эрчим хүчний ашиглалт зарцуулалтад (9,090.9 мянган төгрөгийн зардлаар) эрчим хүчний аудит хийлгэж судалгаа дүгнэлт гаргуулж тайланг Эрчим хүчний зохицуулах хороонд хүргүүлсэн.

Цахилгаан эрчим хүчний гадаад, дотоод тооцооны нийт 50 гаруй тоолуурын заалтаар цахилгаан эрчим хүчний хэрэглээний тооцоог тогтмол хийж, 144,964.8 мянган төгрөгийн цахилгаан эрчим хүчний үнийг хэрэглэгчдэд хувиарлан төлүүлсэн. Цахилгааны тоолуурын зөрүү 5,756.9, тарифийн зөрүү 7,263.4, үйлчилгээний үнэ 6,377.7, дулааны төлбөрт 29,505.0, үйлчилгээний төлбөрт 531.3, цэвэр бохир усны төлбөрт 15,428.3, усны үйлчилгээний төлбөрт 621.6, телефон ярианы төлбөрт 434.9 мянган төгрөгийг хэрэглэгчид хуваарилан төлүүлсэн байна.

Үндсэн хөрөнгийн өөрчлөлт, элэгдэл хорогдлын шимтгэл, сэлбэг, аж ахуй, барилга, хангамж, шатах тослох материал, кассын тооцоонд хяналт тавьж, анхан шатны баримтын бүрдүүлэлтийг бүрэн хийлгэж, тайлан бүртгэлийг зохих журмын дагуу хөтөлж ажилласнаар ямар нэгэн зөрчил дутагдал гараагүй, бэлэн мөнгөний зарцуулалт, түүнд тавих хяналт хэвшсэн болно.

Компанийн санхүүгийн тайлан тэнцэл, аж ахуйн нэгжийн орлогын, хувь хүний орлогын, үл хөдлөх эд хөрөнгийн, авто тээвэр өөрөө явах хэрэгслийн, нэмэгдсэн өртгийн албан татвар болон нийгмийн даатгалын шимтгэлийн тайлан тооцоог тогтоосон хугацаанд нь гаргаж, хуульд заасан хугацаанд харилцдаг санхүү, татвар, нийгмийн даатгалын байгууллагад тушааж, тайлангийн хугацаанд улсын төсөвт 43,606.9 мянган төгрөгийн аж ахуйн нэгжийн орлогын албан татвар, 102,765.6 мянган төгрөг (үүнээс 74,291.3 нь компаниас, 28,474.3 нь даатгуулагчаас)-ийн нийгмийн даатгалын шимтгэл, 73,366.1 мянган төгрөг (ажиллагсдаас суутгасан 59,494.4, ажил үүрэг гүйцэтгэгчээс суутгасан 1,019.8, ногдол ашгаас суутгасан 12,851.8 мянган төгрөг)-ийн хувь хүний орлогын албан татвар, 5,242.9 мянган төгрөгийн үл хөдлөх хөрөнгө, газрын болон авто тээврийн болон өөрөө явагч тээврийн хэрэгслийн албан татвар, 80,980.4 мянган төгрөгийн нэмэгдсэн өртгийн

албан татвар төлж, улсын төсөвт төлөх төлбөрийн 95 хувийг тайлангийн хугацаанд барагдуулсан байна.

Анкор төв үйл ажиллагааны чиглэлийн дагуу хурал, семинар, уулзалт 16, хүлээн авалт 3, шагнал гардуулах ёслол 1, үзэсгэлэн худалдаа 2, нийт 22 удаагийн, 263.5 цагийн арга хэмжээ, үйлчилгээ зохион байгуулж, (НӨАТ-гүй дүнгээр) 17,043.2 мянган төгрөгийн орлоготой ажилласан.

Компани 2018 оны эхний хагас жилд 1,768,213.6 мянган төгрөгийн орлоготой, 1,456,699.4 мянган төгрөгийн зарлагатай, 274,162.5 мянган төгрөгийн татварын дараах цэвэр ашигтай ажиллаж, хуримтлагдсан ашиг 3,987,086.3 мянган төгрөг болж өмнөх оноос 4 хувиар өссөн байна.

### **Ажлын байр, ажиллах нөхцөлийг хангах чиглэлээр**

Ажиллагсдын ажлын нөхцөлийг хангах зорилгоор 5,808.0 мянган төгрөгийн үнэ бүхий компьютер, тэдгээрийн дагалдах хэрэгсэл, 6,508.2 мянган төгрөгийн ажлын хувцас, хамгаалах хэрэгсэл худалдан авч бэлтгэсэн.

Супрэйм солюшн ХХК-тай гэрээ байгуулж 9,103.9 мянган төгрөгийн зардлаар компанийн оффис, Анкор төв, засварчдын өрөөнүүдэд утасгүй /wireless/ сүлжээний шинэчлэлт хийж, мэдээллийн технологийн тоног төхөөрөмжүүдийн хэвийн ажиллагааг хангах тохируулга, үйлчилгээ хийж сааталгүй, хэвийн ажиллах нөхцөлийг хангаж ажилласан.

Албан ажлын хэрэгцээнд 4,706.9 мянган төгрөг (шатахуун 4,686.9, хангамжийн материал 20.0 мянган төгрөг)-ийн бараа материалыг бэлтгэн нийлүүлж хангалт хийсэн.

ГҮЙЦЭТГЭХ ЗАХИРАЛ  Д.ЭНХНАСАН